



## Amt Rendsborger Sagen

**Meyer, Gustav Friedrich**

**Rendsburg, 1925**

30. De Blotplacken in de Rendsborger Marienkark

---

[urn:nbn:de:hbz:466:1-67985](#)

## De Blotplacken in de Rendsborger Marienkark.

30

In de Rendsborger Marienkark hebbt de Jungs mal ünner de Predigt Korten spelt, achter de Orgel hebbt se sik verkrappen hadd. Un as se dar noch bi fluchen ward, kümmt de Düwel dar bi er an un kriggt er sat un sleit er gegen de Wand. Un denn fohrt he mit er ut dat Finster rut. De Blotplacken is dar noch to sehn achter de Orgel, den' künnt se dar of ni wegkriegen, un dat Finster kann of ni wedder insett ward'n, dat is ümmer gliest wedder twei.

## De Düwel un de Kortenspelers.

31

Mal op en Sted hebbt se op'n Wihnnachenabend Korten spelt. Do kümmt dar en Kerl rin un fragt, wat he ni mit-speln schall. Ja, seggt se. He sett sik mit ran, un se spelt wieder. Do fallt dar en Kort dal, un de een bukt sik un will er opnehmen, un do führt he, de Kerl hett eenen Peerfot un einen Kreihnsot. Dat is de Düwel weß, un as de dat markt, dat se em flok kregen hebbt, springt he op un dreicht er all de Köpp na achtern. Do to'n Glück kümmt de Kinner-deern wedder to Hus, de is ut weß. So as se na de Dör rin-kümmt un dat führt, seggt se: „Ich bin getauft auf Christi Blut, des tröst' ich mich in aller Not!“ Do fohrt de Düwel af, dat ganze Hus hett knackt, un de Kortenspelers sind noch mit de Angst wegkamen.

## Dat Bild in de Schenefelder Kark.

32

In de Schenefelder Kark hängt en Bild, dar sind dree Kortenspelers op. Dat is in den dörtigjährigen Krieg weß, do hebbt dar Soldaten in de Kark legen, un dree von er hebbt